

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina (PoBOX: 61)  
REGISTROVANO KOD: OPĆINSKI SUD SARAJEVO, MBS 65-01-0419-11, JIB 420068970001, CARINSKI BROJ  
200068970001  
RAČUN: UNICREDIT BANK D.D. BIH, 3386902296481517

Vrsta dok.	Izdavač	RB
DOP	2 01	1188

Strana:  
1 od 1

Broj protokola: 02-1-04-7-3812-16/19

JAVNO

**DATUM:** 12.12.2019. god.

**PRIMALAC:** SITA Information Networking Computing USA Inc

**PREDMET:** Obavijest: Nabavka usluge - SITA Worldtracer sistema za procesuiranje izgubljenog i nađenog prtljaga (na period od tri godine)

Poštovani-a,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku usluge - SITA Worldtracer sistema za procesuiranje izgubljenog i nađenog prtljaga (na period od tri godine), provedene metodom Pregovarački postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena vaša ponuda za nabavku predmetne usluge.

S poštovanjem,

DIREKTOR

Armin Kajmaković

DOSTAVLJENO:

1. Ponuđaču
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a





<b>UPRAVA DRUŠTVA</b>	Strana: 1 od 2
Broj protokola: 02-1-04-7-3812-15/19	JAVNO

Datum: 11.12.2019. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te izvještaja i preporuke Komisije za provođenje postupka javne nabavke usluge: SITA Worldtracer sistema za procesuiranje izgubljenog i nađenog prtljaga (na period od tri godine), imenovane Rješenjem, broj: 02-1-04-7-3812-5/19 od 14.11.2019. god., Uprava J.P. Međunarodni aerodrom "SARAJEVO" d.o.o. Sarajevo na 125. sjednici održanoj dana 11.12.2019. god., donosi

## ODLUKU

### I

Prihvata se ponuda ponuđača SITA Information Networking Computing USA Inc, za nabavku usluge: SITA Worldtracer sistema za procesuiranje izgubljenog i nađenog prtljaga (na period od tri godine), zavedena na protokol Naručioca pod brojem: 07-04-7-3812-6/19 od 20.11.2019. god., koji je ponudio cijenu za predmetnu nabavku u iznosu koji ne može preći 127.476,59 \$ (225.000,00 KM, bez PDV-a).

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci usluge iz tačke I ove Odluke, kojim će se regulisati međusobna prava i obaveze ugovornih strana.

## O b r a z l o ž e n j e

Postupajući u skladu sa čl. 17. i 18. Zakona o javnim nabavkama, a u cilju izbora najpovoljnije ponude za nabavku usluge: SITA Worldtracer sistema za procesuiranje izgubljenog i nađenog prtljaga (na period od tri godine), direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke broj: 02-1-04-7-3812-3/19 od 12.11.2019. god., a Rješenjem o imenovanju Komisije, broj: 02-1-04-7-3812-5/19 od 14.11.2019. god., imenovao Komisiju za provođenje postupka nabavke.

Naručilac je, postupajući u skladu sa naprijed navedenom Odlukom, uputio poziv za dostavu kvalifikacionih dokumenata i komercijalne ponude potrebnih za provođenje procedure Pregovaračkog postupka bez objavljivanja obavještenja o nabavci, odnosno poziv na pregovore, na adresu ponuđača SITA Information Networking Computing USA Inc, s obzirom da se zbog suštinskih, dokazivih tehničkih, odnosno razloga koji se odnose na zaštitu ekskluzivnih prava ugovor može dodijeliti samo navedenom ponuđaču.

Do ostavljenog roka za predaju kvalifikacionih dokumenata i komercijalne ponude, 22.11.2019. god., pozvani ponuđač je dostavio svoju inicijalnu ponudu, koja je zavedena na protokol Naručioca pod brojem: 07-04-7-3812-6/19 od 20.11.2019. god.

Na javnom otvaranju ponude, koje je održano isti dan u 10:15 sati, bez prisustva predstavnika ponuđača, pročitan je naziv ponuđača i ponuđena cijena za naprijed navedenu uslugu.

Nakon javnog otvaranja ponude, Komisija je izvršila uvid u spisak kvalifikacionih dokumenata i konstatovala da je ponuđač dostavio traženu dokumentaciju, osim potvrda i uvjerenja po čl. 45 ZJN, tačnije dostavio je samo uvjerenje nadležne institucije kojim se potvrđuje da je ponuđač izmrio dospjele obaveze u vezi plaćanja direktnih i indirektnih poreza i uz ovo uvjerenje je priložio Izjavu, kojom potvrđuje da ispunjava uslove iz člana 45. ZJN (kopija u prilogu).

Imajući u vidu naprijed navedeno, Komisija je dana 28.11.2019. god., ovom ponuđaču uputila e-mail i zatražila dostavljanje nedostajućih potvrda u skladu sa datom Izjavom. Ponuđač se dana 02.12.2019. god. izjasnio da nije u mogućnosti dostaviti ostale tražene dokumente, zbog veoma komplikovane i vremenski dugotrajne procedure prikupljanja ovih dokumenata u Sjedinjenim Američkim Državama.

Vrsta dok.	Izdavač
<b>ODL</b>	<b>01-3</b>
Strana: 2 od 2	
JAVNO	

Imajući u vidu ovu činjenicu, a kako već 20 godina sa ovim ponuđačem imamo zaključene ugovore sa istim predmetom nabavke i veoma uspješnu poslovnu saradnju, komisija je konstatovala da je sve poduzela da od ovog ponuđača obezbijedi traženu dokumentaciju, koju nije mogla dobiti. Po prijemu njegovog izjašnjenja, Komisija je dostavljenu Izjavu o izmirenim obavezama, prihvatila kao dokaz o ispunjavanju obaveza po propisima SAD, a koji se odnose na tražene dokaze po članu 45. ZJN.

Komisija je konstatovala da je dostavljena ponuda ujedno i konačna ponuda i da zadovoljava sve tehničke i formalno pravne uslove iz zahtjeva za dostavu ponude, ukupne vrijednosti koja ne može preći iznos od 225.000,00 KM, na period od tri godine shodno Odluci PP broj: 16/19 od 12.11.2019.

Imajući u vidu naprijed navedeno, Komisija je ocijenila da je ponuda ponuđača SITA Information Networking Computing USA Inc prihvatljiva za Naručioca, te je Komisija predložila Upravi J.P. Međunarodni aerodrom "SARAJEVO" d.o.o. Sarajevo, da se predmetna ponuda za nabavku usluge: SITA Worldtracer sistema za procesuiranje izgubljenog i nađenog prtljaga (na period od tri godine), prihvati, te ugovor dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo na 125. sjednici održanoj dana 11.12.2019. god., razmotrila preporuku Komisije, te je, nakon uvida u vođeni Pregovarački postupak, istu prihvatila.

S obzirom na naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 70. Zakona o javnim nabavkama, a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

**DIREKTOR**  
Armin Kajmaković



Prilog: Zapisnik o pregledu i ocjeni ponude.

**DOSTAVLJENO:**

1. Upravi Društva
2. Sektoru komercijale
3. Sektoru za PKO poslove
4. Ponuđaču (co.)
5. Sektoru finansija (co.)
6. a/a